



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2012. GODINU TVOJE I MOJE STRANKE U BOSNI I HERCEGOVINI

Broj: 03-07-6-955/13  
Sarajevo, 24. mart 2014. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole .....	4
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1 NALAZI.....	5
5.2 PREPORUKE .....	6

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Tvoje i moje stranke u Bosni i Hercegovini za 2012. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine i Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom godišnjeg finansijskog izvještaja za 2012. godinu, utvrđeno je da je Tvoja i moja stranka u Bosni i Hercegovini prekršila odredbe člana 11. stav (3) Zakona o finansiranju političkih stranaka, koji je bio na snazi do 04.12.2012. godine i člana 12. stav (4) Zakona o finansiranju političkih stranaka, koji je na snazi od 05.12.2012. godine.**

**Na osnovu našeg pregleda, odnosno kontrole finansijskog izvještaja, a obzirom na činjenicu da politička stranka nije dostavila kompletnu dodatnu finansijsku dokumentaciju, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Tvoje i moje stranke u Bosni i Hercegovini za 2012. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Tvoja i moja stranka u Bosne i Hercegovini nije ostvarila prihode, što je iskazano u sljedećoj tabeli:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u uk. prih. %</b>
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ostali prihodi	0,00	
	<b>Ukupni prihodi:</b>	<b>0,00</b>	

U godišnjem finansijskom izvještaju stranka nije iskazala rashode.

## 2. PREDSTAVLJANJE POLITIČKE STRANKE

Naziv političke stranke: Tvoja i moja stranka u Bosni i Hercegovini. Skraćeni naziv: TIM stranka u BiH.

Tvoja i moja stranka u Bosni i Hercegovini upisana je u registar političkih organizacija Općinskog suda u Sarajevu rješenjem broj: 065-0-F1-10-000006 od 12.05.2010. godine.

Sjedište političke stranke je u Sarajevu, Derviša Numića 1 d.

Lice ovlašteno za zastupanje stranke, prema podacima iz godišnjeg finansijskog izvještaja za 2012. godinu, je Ekrem Hadrović, predsjednik.

Lice ovlašteno za podnošenje finansijskog izvještaja za 2012. godinu je Muamera Efendić.

Prema podacima iz godišnjeg finansijskog izvještaja za 2012. godinu, Tvoja i moja stranka u Bosni i Hercegovini nema niže nivoe organizovanja (entitetske, kantonalne, opštinske).

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Tvoje i moje stranke u Bosni i Hercegovini za 2012. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Tvoje i moje stranke u Bosne i Hercegovini obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Obavljen je pregled godišnjeg finansijskog izvještaja Tvoje i moje stranke u Bosne i Hercegovini za 2011. godinu nakon kojeg je izdat izvještaj o pregledu sa mišljenjem revizora, nalazima i preporukom stranci da finansijske izvještaje dostavlja u skladu sa rokovima propisanim Zakonom o finansiranju političkih stranaka.

##### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2012. godinu, utvrđeno je da Tvoja i moja stranka u Bosni i Hercegovini nije ispoštovala preporuke iz Izvještaja o pregledu godišnjeg finansijskog izvještaja za 2011. godinu, odnosno godišnji finansijski izvještaj za 2012. godinu nije dostavila u zakonom utvrđenom roku.

#### **5. NALAZI I PREPORUKE**

##### **5.1 NALAZI**

##### **a) Tvoja i moja stranka u Bosni i Hercegovini prekršila je odredbe člana 11. stav (3) Zakona o finansiranju političkih stranaka, koji je bio na snazi do 04.12.2012. godine.**

Na osnovu obavljenog pregleda, utvrđeno je da je Tvoja i moja stranka u Bosni i Hercegovini godišnji finansijski izvještaj dostavila nakon zakonom utvrđenog roka i da obrasce godišnjeg finansijskog izvještaja za 2012. godinu nije popunila u skladu sa odredbama tada važećeg Pravilnika o godišnjim finansijskim izvještajima političkih stranaka („Službeni glasnik BiH“, broj 61/06) - u daljem tekstu: Pravilnik, čime su prekršene odredbe člana 11. stav (3) Zakona o finansiranju političkih stranaka, koji je bio na snazi do 04.12.2012. godine.

- (1) Tvoja i moja stranka u Bosni i Hercegovini je godišnji finansijski izvještaj dostavila dana 27.06.2013. godine, tj. nakon zakonom propisanog roka<sup>1</sup>.
- (2) TIM stranka u BiH nije u obrascu 2 (pregled prometa svih transakcijskih računa političke stranke) godišnjeg finansijskog izvještaja iskazala podatke o transakcijskom računa, čime je prekršila odredbe člana 11. Pravilnika.

---

<sup>1</sup> Do 31.03. naredne godine političke stranke podnose finansijski izvještaj u formi koju odobri Centralna izborna komisija Bosne i Hercegovine. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja

Naime, prema podacima iz Jedinstvenog registra transakcijskih računa u Bosni i Hercegovini, TIM stranka u BiH je u periodu od 01.01.-31.12.2012. godine imala otvoren transakcijski račun broj: 3386902233377585 kod Unicredit bank d.d.

Uvidom u podatke koje je stranka dostavila, ovaj transakcijski račun je zbog neaktivnosti duže od 1 godine zatvoren dana 30.07.2013. godine.

**b) Tvoja i moja stranka u Bosni i Hercegovini prekršila je odredbe člana 12. stav (4) Zakona o finansiranju političkih stranaka, koji je na snazi od 05.12.2012. godine.**

Dana 20.09.2013. godine, Centralna izborna komisija Bosne i Hercegovine je TIM stranci u BiH uputila Zahtjev za dostavljanje dodatne dokumentacije za 2012. godinu<sup>2</sup>, i to: godišnji obračun (završni račun) stranke ovjeren od nadležnih institucija u Bosni i Hercegovini za 2012. godinu, kopiju ugovora o pozajmicama sa fizičkim licima i kopiju izvoda ili potvrdu banke o prometu ostvarenom putem transakcijskog računa broj: 3386902233377585 kod Unicredit bank d.d. za period 01.01.- 31.12.2012. godine.

TIM stranka u BiH je Centralnoj izbornoj komisiji Bosne i Hercegovine dostavila kopiju ugovora o pozajmicama sa fizičkim licima i podatke o transakcijskom računu.

Obzirom da stranka nije postupila u skladu sa zahtjevom Centralne izborne komisije Bosne i Hercegovine, odnosno nije dostavila godišnji obračun (završni račun) stranke ovjeren od nadležnih institucija u Bosni i Hercegovini za 2012. godinu, prekršene su odredbe člana 12. stav (4) Zakona o finansiranju političkih stranaka, koji je na snazi od 05.12.2012. godine.

## **5.2 PREPORUKE**

***Preporučuje se Tvojoj i mojoj stranci u Bosni i Hercegovini da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***da finansijske izvještaje koje podnosi Centralnoj izbornoj komisiji BiH dostavlja u skladu s rokovima propisanim Zakonom o finansiranju političkih stranaka i popunjava u skladu s Pravilnikom o godišnjim finansijskim izvještajima političkih stranaka i***
- ***da dostavlja dodatnu dokumentaciju koju od nje zatraži Centralna izborna komisija Bosne i Hercegovine.***

### **KOMENTAR:**

U ostavljenom roku, Tvoja i moja stranka u Bosni i Hercegovini nije dostavila primjedbe na Preliminarni izvještaj o pregledu godišnjeg finansijskog izvještaja za 2012. godinu.

šef Odsjeka za revizijske poslove, revizor

Sanja Tošović

šef Službe za reviziju

mr. sc Hasida Gušić

---

<sup>2</sup> Zahtjev broj: 03-07-6-955-2/13.